



鄭詩目錄

卷之三

秋興七首

登無諸城南樓

汨汨

梧兒初學語

伏雨

贈周用賓歸江郎五首

讀李質菴稿

至日

冬日草堂小聚

歲晏答王時行

喜吾惟可訪少谷兼懷方令

烏石惟可同遊

送惟可還三衢

寒食

贈吾謹五首

大水歌二首

雙劍篇贈毛汝厲

岳江送汝厲二首

獨樹篇

南山一株松

早秋龍門舟中

宿象山西塢二首

寄潘逸老

海濱書所見

臥病少谷山中

今夕

十三夜翫月

答毛汝厲侍御

少谷山雜興

亭上

授衣

從扈嶼沿溪陸行抵義江陳職方留讌山

中

岳山送時行赴闕二首

冬青樹

寄近夫黃門

九日憶近夫

草堂

遠離別

寄林荆門

答安黃門

壽林大司馬四十韻

送陳侍御使廣

讀鸚鵡賦

江上別道宗兼懷仲默

君莫疑行送道宗赴闕

挽王生送伍方伯入覲

白雀詩威鳳篇

聞濤

送周方伯入楚五十六韻

子夜變歌三章短歌行

權歌四首

中秋同高宗呂傅木虛城東步月有懷京

華舊遊

寄惟可寄顧九和侍講

衡山高贈周公儀方伯

送李道夫赴闕兼懷仲默

歲暮懷京華諸友遊子篇

贈道夫四首泰陵

鄭詩卷之三目錄

終

鄭詩卷之三

閩中鄭善夫繼之著

郡人鄧原岳女高

謝肇淛在杭同校

秋興七首

閶闔風吹庭樹柯
 乾坤西北尚提戈
 舊京芳草秋猶積
 絕塞浮雲今奈何
 不耐隱憂侵白髮
 竟將吾道付滄波
 碧雞金馬非前日
 獨倚江樓聽棹歌

其二

湖上清霜淨柳條南天九月氣蕭蕭歲寒蘭芷
將無變日暮豺狼迥自驕三輔尚淹王景略北
庭終數霍嫖姚風煙着處堪踈濶白水青山每
見招

其三

且喜鎮兵收楚蜀十年戰伐可勝情誰家寡婦
哀初散萬國秋笳咽未平祗見帝恩優赤縣
稀聞官府念蒼生請看咫尺輪臺詔今日緡

征又征

其四

釣臺南畔萬家墩昔日豪華天下聞石首槎頭
爭水陸綺衣朱袖照乾坤年荒禮樂今何有日
短麤豪空復存破帽蕭蕭江海客側身玩世欲
忘言

其五

羯胡牧馬下陰山西塞諸軍永不還萬里角聲
悲歲暮三邊烽火直函關腥膻已入襟喉裏桴

鼓深防霄漢間聞道凶門屢推轂總戎何日斬
樓蘭

其六

黃河南岸消息微甘肅寧夏邊人非清秋古戍
軍需闕白日西山餉道違警急大庭脩馬政承
平裨將玩兵機願將干羽收金革莫令漁樵着
鐵衣

其七

南州臥病聊卒歲東山草堂難去歸行年三十
鬢已改有懷突兀時多違白湖鷺鷥風波亂盡
省冠袍日月非人事天機更消息狂歌清淚滿
荷衣

登無諸城南樓

越王城東江欲濤越王城上烏山高元龍愁雨
久在野病鶻憐風空解縈西望佳人息環珮南
來樂土避弓刀園葵一飽那可得今日登樓心
獨勞

汨汨

與言 卷之三
三
汨汨傷秋髮依依欲暮年釣磯滄海上布被白
湖邊避地親朋棄憂時夢寐牽無家杜陵老且
結草堂緣

梧兒初學語

梧兒生六月孩笑識人情得汝愁俱破于人眼
盡青斲時聞學語何日見趨庭爾祖能看我回
頭涕泗零

伏雨

瀝瀝猶鳴旦淒淒欲作寒晚禾翻惡濕后土故
長乾敝屋久僵臥凶年甘糲殮持觚向人世未
得脫艱難

贈周用賓歸江郎五首

峒峒三神山鬱鬱山上木叢株糝古雲雲際守
幽獨附枝中梁桷匠石豈不欲寓形萬仞岡沆
瀣空中浴其名曰冥靈千春葆芳躅桂樹亦葳
蕤迺有斧斤辱

其二

衡陽何所有江郎兀南陲雲霞幻奇態萬古天

爲低飛鳥莫可上人跡將焉爲上有珠貝宮神
物光陸離吾將遊其樊薄言采玄芝

其三

翩翩黃鵠鳥頓足珠樹林誤入燕雀網稻梁非
宿心羽毛日摧頽逝節已載陰終焉摩青天高
梧結珍禽秋風下木葉各奏世外音凡鳥空嘈
嘈角鷹扇禍淫玄陰一解散求友意何深風翮
或相及無忘寄幽襟

其四

昔我歸山中敬訪江郎石相逢草莽間意氣兩
測識電露無怕期煙霞有真色黃泥天雞沒感
子何所適葛洪以丹砂玄聖終沙磧通潛自天
行達者固無室贈子白雲篇心知詎宜默

其五

繁霜襲廣野怛怛失衆芳送子不及遠歲晏令
心傷結交豈在故所貴日暮遇曰余罹天弑尚
爾界覺路青山何逶迤行子有所之異域雪霰
盛勿使白鶴疑

讀李質菴稿

雅音失其傳作者隨風移於楚有屈宋漢則河
梁詞曹劉氣軒軒逸文振哀悲兩晉一精工六
朝遂陵遲角然尚色澤古風不成吹盧王號詞
伯祗用綺麗爲千年取正印乃有陳拾遺或不
盡反朴朝代兼天資所以王李輩向道識所期
大哉杜少陵苦心良在斯遠遊四十載而况經
險巖放之黃鐘鳴斂之珠玉輝幽之鬼神泣明
之雷雨垂變幻時百出與古乃同歸律詩自唐
起所尚句字奇末流亦叫噪古意漫莫知歷茲
六十紀識路良獨稀鳳鳥空中鳴衆禽反見嗤
夜寒理危絃惻惻賞心違

至日

至日風色好粵南霜信遙地卑饒瘴氣春近茁
寒條汶水昔獨往淮南誰見招林栖歲華晏難
免髮蕭蕭

冬日草堂小聚

近郭風霜淺寒天草木稠敝廬元僻野高馬漫

淹留豈是草玄宅能迴訪雪舟生逢
聖明世
未敢社交游

歲晏答王時行

越王臺下草堂陰萬壽橋東流水心
天畔風雲
新歲晏霜前梅柳故園深黃巾亂後只茅屋白
社歸來無橘林搖落最憐王水部近時生理戴
朝簪

喜吾惟可訪少谷兼懷方令

舊國真心久良朋見面初同爲避地客獨叩草
玄廬花鳥三春暮乾坤百戰餘邇來方拙牧衰
疾復何如

烏石惟可同遊

道山秀盤石春半更嬋媛海水雙江入巖花二
月繁衰容防草昧故老問桃源憐爾南遊思風
煙數斷魂

送惟可還三衢

昔年相逢胥水秋今日重在閩山陬中間喪亂
真憐汝南鄙音塵不散憂別後山陽頻弄笛花

時荆楚一登樓旄頭尚直天西北何地巾車各自由

寒食

至後百五日堂齋風雨深越鄉寒作食溟海氣長陰身事南陽役神京北望心采薪纏日月髮已不勝簪

贈吾謹五首

謁來潛元子偃息蒼雲根懷姝三十祀為元遵世屯旬候翔虎貙鳳鳥乃孤騫微榮曷足貴所貴至道尊糠粃鑄堯舜水虎伏玄門豈同曲轅櫟遁天得長存

其二

采蘭荒江陬繁芳被羅襦采采不自媚征途爰有需征途何遙遙波嶺爭洄紆宵旦判辰參卒歲焉可圖南州瘴霧塞狨蹄下城隅永言守沉晦去去寧君軀

其三

南服有佳人遺身在遠道上衣雲錦燦下裳花

夢繞容華耀朝曦歲晏結芳草獨行誰與娛抱
影心正搗豈無合歡被附托苦不早楚璞思一
獻和氏莫復保世無良蹇脩雌守以終老

其四

麟爲希曠禎何以至魯藩大道久喪世麟趾在
人間仲冬鉅野風狃獍乃高蹲合圍不予遺靈
物罹其樊虞人折爾足眩爾貂與貍豈但子鉏
商魚眎乃湯湯大鵬息南溟培風會高搏紛紛
枋榆鷄安知九霄翰

其五

京洛貴遊子結駟康莊衢前麾擁楚舞後驟雜
吳歛結交盡侯門意氣陵上都玉食豺虎側閭
者適所趨寧知窮巷士仄仄頓空廬冬裘不掩
脛夕粟無斗儲阨抑曷足悲王者顧乘除神奇
化臭腐榮盛可久居子雲草玄地千載名不渝

大水歌二首

閩州五月雨不歇劔南諸溪水俱發溪邊樹木
纏風雷郭外人家走魚鼈野老惟憂禾黍歇尾

真詩 卷之三 九
閭不見波濤泄君莫恨去年前年雨水絕越王
臺下江流竭行人道上思飲冰古井鹽花白於
雪

其二

玄陰冥冥噎不通五月六月皆天風雷霆嘯海
烏兔急田野盡在波濤中南山豆苗沙壓死東
畚禾頭半生耳志士寧辭溝壑填農夫自此生
事已君不見無諸城外鬻幼男今歲誅求豈但
三

雙劍篇贈毛汝厲

雙劍在昆吾淬礪良獨勞年歲既已久況茲以
鶉膏豐城古獄下閃閃星文高雲達一見收結
珮事遊遨被以黃金鞞繫以赤玉縑霜鋒按月
窟萬里風雷號一劍乃棄置埋照同鉛刀豈不
愛光霽乖謬異所遭有時匣中吼魑魅皆遁逃
神物卒當合世人那得操君看延平津糾糾雙
龍交

巴山送汝厲二首

漂漂海上萍，卒卒梁間燕。與子結同心，何意異鄉縣。游團散景光，譚討猥深眷。睠茲朱旻際，乃有此睽判。川途何渺默，年運復流轉。豈無繾綣心，王事不可緩。君當翔要津，我且守迤賤。膏煎以自明，璞辱以自銜。願言沉光惠，勿使闇者見。

其二

西北日晚晚，宮觀凝寒煙。行子暮何之，駕言北之燕。前驂結良駟，後徒控華旃。中輿歌響發，楚聲一何繁。一闕遠別離，再闕行路難。薊門無清塵，易水有急湍。曠士懷明義，天步故多艱。賤子甘自營，淪晦亦所懽。乖期在昧旦，且復敘涼暄。容輝無時及，表之英琅玕。

獨樹篇

豫章之山盤盤乎，截業而倚天。石壁萬仞荒，芻噓雲煙。上有獨樹風雷經，輪囷偃亞黛色古。百圍竅穴諒吸諂，突飄風傳孤根入地幾百尺。云是蘧仙手植，距今三千年內。注沅瀆華外，盪日月光枝翻浪湧。子墮金香自是靈株，颺飛動天。

雞海鵠空多夢白日影倒彭蠡陰黃昏聲壓香
爐重千峰遠意含太和萬木豈敢爭差我霹靂
空中下矢石洞庭無地浩然風波茲木結踞其
如何大厦長年急梁棟心猜目眩今猶多君不
聞上古有大椿萬六千歲爲秋春精英幻化那
可測至今世有青牛君茲木無乃是不然何以
有此垂天之蒼雲山樊古栢相葱菁早晚移根
天帝庭修條思在雪霜外肯與衆木分光榮粗
梨楸桑亦蓊鬱捩擊折泄豈辭辱商丘之樗曲
轅之櫟非不巨且齒拳曲軸解徒爲爾吁嗟乎
豫章獨樹何神哉安得長梯倚天畔上採附枝
下柱明堂摧

南山一株松

南山一株松衣被何嬋媯上焉絕雲氣下者抵
流泉季秋零露沍百草乃棄捐修條抗回風況
結霜霰緣附托一得所斤斧那得前所以保容
華閱歲及百千紛紛蜉居子豈知有大年

早秋龍門舟中

鰈子小於葉早秋江上行風波千古轉天地幾
時平病骨憐滄海凡才耻 聖明不眠聞短吹
故國亦飄零

宿象山西塢二首

亂木藏幽鳥清商集古城暝煙分野意山鬼習
人聲未把桐川釣聊爲潁水耕巖棲備寂寞儻
得遇初平

其二

秋雲不稱意膚寸每成霖漏日翻東壁隨風濕
遠岑腰鎌野外急燐火晚來深入夜增蕭索千
林猿狖吟

寄潘逸老

東湖潘逸老守晦十餘年久病文園枕長貧杜
曲田形骸非故我天地有真詮願汝支離德閒
居讀內篇

海濱書所見

北里萬餘戶漁樵更種田打魚乘水得伐木上
山便禾黍棲南畝牛羊被遠阡生涯未爲少何

意盡顛連

卧病少谷山中

伏枕東山晚閉門黃葉幽竹書遺問歲蟬語易
深秋散地朋情見明時家食羞唯應習農圃草
野得淹留

今夕

薊門城下月今夕定如何白骨凌沙礫黃塵控
駱駝羽書疲傳置胡馬失關河天子方宵旰
孤臣淚已多

十三夜翫月

粵南秋色復欲暮城東閉門歲載陰清霜上鬢
豈春事明月在天關客心水昏魚龍已浩蕩木
落桑梓亦蕭森杜老中年更愁思猿啼來往巴
渝深

答毛汝厲侍御

仲夏夜向短忽忽不得寐所思眇天末鴻鴈冉
而至佳人隔湘波遺我雲錦字開緘珠貝光疊
疊見深意綢繆梅劍言詎諶膠漆地時危先金

甲儒服久淪弊感子情義重難以筆舌記念昔
在京師邂逅意交質文章詎足傳偏愛無妬忌
逢人說項斯益見君子誼我生豈土木嘖嘖賞
風味頃來趣南方驄馬金絡轡僊僊表幹臣赫
赫天子使始識豸繡衣已禡魑魅氣如何駕
鼓車廼用此騏驥所幸日親炙慰我色憔悴公
門數十尋不見所深邃俯心下微賤此輩一騰
沸平生詩百篇繕寫入篋笥自愧交游間何敢
復當是鄙夫昧逢迎動輒得詈戾遽意遁樵漁
橫逆莽復熾非子善解排何以控軒輊凝情外
形骸奮舌略榮利豈無英乂者與我獨投契朱
炎射北林檣烏蕩離思惻惻芋原岷悠悠巴江
涘樓船忽復解我馬何當係江山一搔首天地
雙揮淚君才萬夫敵偉矣瑚璉器富貴何可言
勛名會多事九域悲風塵三垂更烽燧踈瓜莫
華滋短狐暗窺伺先帝在天靈仗爾濟顛躓
桓桓裴晉公彪炳於史氏王通雖鎗采戀闕心
尚闕太平十二策寂寥昔曾試持危良獨難避

色信所致古今賢達士用舍各行志贈子猛虎
篇高歌髮欲豎

少谷山雜興

輜車入城府不染市道塵買山水部巷石壁爭
嶙峋嘉果自四時橘柚及棗榛樹木更茂蕝梅
竹逾精神茆亭覆石上風月爲主賓芸軒矮且
陋著書掩柴門襍穢非我朋心知遠見親神閒
多暇日棋局見本真雖居赤縣會每結青山雲
鱗鱗十萬家刀錐忘夕昕茲山豈遙遠煙容白

津津四郊願寧謐永作草茅臣

亭上

少谷峰頭草亭好清秋原衍爭繁芬石上昌陽
盡九節筍根稚子皆此君放言何求了物意惱
世不徹參天文平生最愛陶弘景青山百年怡
白雲

授衣

秋草條已歇鳴蛩欲近牀北風吹髣髴九月進
衣裳抱病仍多事逃空未損光黑貂今久弊程

落歲寒妨

從扈嶼沿溪陸行抵義江陳職方留讌山

中

扈嶼迤迤連紫臺瀨江曲曲罷喧逐漁人釣艇
沿溪泊野老柴門傍水開樹底巧通仲蔚宅玄
中殊愧子雲才南遊無得酬佳節黃菊青山共
舉杯

出上送時行赴闕二首

王粲江湖興幡然為國謀故山隨意去殘照尚
誰留身事齊門怨天家漆室憂蕭條倍憐汝歲
晚拂吳鉤

其二

念爾復赴闕迢迢思昔年雞盟盡豪杰天論老
風煙病向滄江臥書無白鴈傳平生鸚鵡賦萬
一故人憐

冬青樹

道傍冬青樹人好樹亦好豈不纏風雷青青自
持保

寄近夫黃門

憶自吳門再相見風波希闊兩年餘天邊此日
歌鳳鳥海上何時烹鯉魚巢父掉頭終已矣士
元展足近何如秣陵雲樹三千里未得從君賦
卜居

九日憶近夫

忽憶齊州殷給事經年不見使人來往時皂帽
真能落此日黃花何意開南國眼深鴻鴈字暮
雲天遠鳳凰臺泰山梁甫輸心地報汝璫瑤清

夢迴

草堂

歲事日將晏草堂今苟完天風吟竹葉海月皓
柴門藜莧還高志經綸有故園何能謝貧賤氛
稜在乾坤

遠離別

近別不顧家朝往仍暮還遠別不顧家出門寧
計年出門復入門兒女相牽攀鴻鵠懷四方豈
受燕雀憐涼風動沙磧劒歌慘不歡拔劒莫割

水悵此離別難同胞遍海岱所貴天綱全孔聖
欲居夷老聃行度關意氣苟相安豈在華夷間
遠別卽當別懷土非上賢

寄林荆門

暮年滄洲客慟哭向窮途春草生歸思秋風慰
病夫青氈後命達白髮此身癯八月衡山去期
君出五瀦

答安黃門

憐君下峽水寄我郢中吟白雪音調遠黃牛風
浪深林丘心獨苦歲月病長侵膠漆知何地迢
迢鴻鵠心

壽林大司馬四十韻

當代論耆德先生第一人行年老益壯浴已日
猶新九牧衣冠胄三朝柱石臣時流立標準前
輩想丰神伊昔遭平世超然充大賓東寮注柳
肅內史倒陳遵奇思過常調修能異等倫一生
隨日馭十載在成均古學薰移俗名賢類受甄
牽裙留短草啓事起枯鱗瓊珮辭仙仗金陵秉

大鈞豈無雲錦線可補舜衣鶉鴻運丁天厭元
龜卜世屯文狸翔粉堞玉玦下楓宸溫國言歸
洛宣尼罷問津歲功成者退初服誓當伸几杖
蒼生慕松筠白髮親起居全矍鑠容色愈溫純
不論臨卑幼都如飲酪醇達尊人代少幽意歲
華頻寄癖泉山麓移舟越水濱猶能作小楷亦
稱戴高巾奚用推洪範終然比大椿壽臨文彥
博子得范純仁極北陳情切滇南稅駕真言將
權菽水不是憶鱸尊臣父深思子臣兒願委身

明王念勛舊溫語藹絲綸李密近還蜀張良
未謝秦銀魚縮房杜玉樹集陳荀萊絲偏宜晚
潘輿每及晨風吹綠野暮花發錦堂春刺史宣
前烈春官振後塵品題惟鳳鳥圖畫必麒麟二
月山川麗全閩氣象臻嵩乎鍾匪物甫也降茲
辰度曲來鷓鶴稱盃拜縉紳龍門登尚忝驥尾
附何因感激吾將仕沾濡俗到淳太平若有象
早晚下蒲輪

送陳侍御使廣

嶺南巨海散溟濛海上羅浮四百峯炎瘴直須
三尺雪鱷魚先避五花驄

讀鸚鵡賦

讀罷鸚鵡賦吾憐禰正平識機寧入網遠害轉
傷生名在心形累時危鼎俎烹異時一掬泪灑
向武昌城

江上別

道宗兼懷仲默

却向滄江別潸然感物華林泉移歲月霄漢變
雲霞仗劍亦駭俗出門寧顧家寄言何水部遲
爾折梅花

君莫疑行送道宗赴闕

長歌一曲楊柳枝短歌一曲青雲詞近前勸君
君莫疑男兒不作男女態所貴國士當酬知與
君俱非年少時桑弧蓬矢何當遺腰間環珮光
陸離取媚泉石非其宜留侯只掉三寸舌黃石
將略真王師甯戚車下鳴聲悲風塵漫漫緇短
衣五殺大夫百里奚世主不識終塗泥英雄所
耻比草木且復俛首就馬羈故國萬世尤神奇

安能鬱鬱久居茲子雲寂寞空守雌屈身伸道
非君誰君如鴻鵠合高飛一翥萬里無天涯短
枋香稻藏罟罟人慕君君不知閨風玄圃便
棲止慎勿下飲淤塘陂於乎慎勿下飲淤塘陂

挽王生

吾鄉論後進爾最擅詞場十八人間世三千第
子行轅駒未竟步石火不餘光憶昔邢居實秋
風太惋傷

送伍方伯入覲

尊翁吾從祖同第甲申年論世鯁生願通家令
子賢春風虛木榻王事重樓船命薄徐高士栖
栖不受憐

白雀詩

有鳥曰嘉賓結意公院深族類分摠摠中有三
珍禽毛羽白勝雪噦噦吐奇音卑尊與賤貴食
宿明素心虞羅得之喜言是世所琛飼以香稻
粒嬌愛輕黃金置以白玉樊鷲鳥不敢侵行將
貢明主上林逝駸駸小鳴天地白大鳴徹古

今化國彙振德修能無滯淫類此蓬室士懷美
遵丘林一朝被爵命照耀巖巒巒陰永言復自愛
野田有遺吟

威鳳篇

景風布南服晨曦射丹臺威鳳何契闊千載一
徘徊聲響世不傳簫韶昔所諧虞庭旣寂寞岐
下亦蒿萊孔雀與野鳥朝代紛疑猜今時夫何
如天末鳴喑喑乃有搏牛畜附托凌太階此曲
不可竟九土方喧豗

聞濤

漲海饒孤窠春山淹去歸魚龍永夜急波浪遠
天違孤志存舟楫清時臥釣磯塵機久已息何
事白鷗飛

送周方伯入楚五十六韻

南來日月淺歛作洞庭遊宦達多離坼旌麾還
阻修人情烏石雨仙路豫章舟樹直黃陵廟花
明白鷺洲攀軒啼老少擁篲振王侯毒草祠能
久濂溪井尚留賢聲望宰輔伊昔盛才猷八辟

參邦典羣疑反楚囚青蓮分黑白丹筆幹宸旒
退食惟書卷攢眉視貴游坐茲不速化寧自向
明投 先帝需梁棟春官襍料樛匪材隨鑿澈
是歲辱甄收分忝門生列知懸孺子酬青雲長
契闊白帝正岫嶠公去安邊徼余歸滯故丘數
年鱗杳杳兩地鬣颼颼諸葛綏西土文翁化益
州夷酋達禮樂武弁冠貔貅自古賢人遠殊方
聖主諏朔風吹鳥道春雨下龍湫天共滇池
遠人兼泮水幽兩川思几杖六詔賴懷柔黻俗
元來野華風今始流文鶴旣翩翩鳴鹿亦呦呦
欲見唐虞理何煩猿狖愁幾時卿月照復爾使
星浮三晉悲歌切中原盜賊稠徬徨家室走感
激歲時適道在無荆棘時艱任寇讎終焉脫虎
口直擬謝蠅頭天欲昌王室帝能追馬周風高
沙塞暮草歇鴈門秋十二事皆舉權豪勢不勾
食芻無款段出牧盡驊騮世待英雄急公宜物
色求無諸所胙土馬亮載鳴騶玉節沾應得風
謠採未休先聲靖強禦能事屬歌謳霄漢瞻洪

翻泥塗非好，仇狄籠充實。忝徐榻下，何綢願縛。
南山虎翻驚，北海鷗倚風。悲駘蕩望斗，念偃樓。
貧債鄰人粟，寒披季子裘。熱中聞舐痔，畢意避。
犧牛名位爭，相笑悲歌不自由。誰能見客意，何。
以解吾憂。夜雨聽希曠，春波轉繆悠。大廷稽職。
業南服，趣恩麻。江漢雄藩鎮，夔龍注廟謀。雙旌。
一以遠千里，秣須摳。卽欲隨黃鵠，終知愧禿鶩。
草深鸚鵡塚，天迥岳陽樓。范老端憂樂，禰衡招。
咎尤獨醒心，縷縷北面意。悽悽公若登，三事須。

張竟野采

子夜變歌三章

洪江通海潮，朝往復暮來。出水下洪江，何時逐
潮回。

其二

我欲渡螺江，螺女不可遇。人知子夜來，不知子
夜去。

其三

漢王昔垂釣，白龍從天來。至今龍起處，猶傷漢。

王臺

短歌行

跨馬出郭門馬疾不埃鞭長跼挽君馬聽我歌
一言涼風戒芳樹白露凄寒蟬君子有所思遠
遊及幽燕在家人所愛去家人所憐朝饗不及
殮豈得戀膝前下有黃口兒上有滄浪天今時
何清廉盡室難遠遷但見被雲錦麻枲無棄捐
獨行多辛苦加殮以延年

權歌四首

鴻鴈飛來風雪心鴻鴈飛去天山陰二月天山
風雪淺六月天山風雪深

其二

鴻鴈飛去稻梁荒白鷗不飛毛羽傷天寒日暮
黃蘆蕩江水渺茫心渺茫

其三

送君把君綠荷衣悲莫悲今生別離衢陽向上
江水絕縱有鯉魚何處來

其四

青螺江頭遊子吟黃金臺上秋雲深風塵一別
一萬里美人駕車傷我心

中秋同高宗呂傅木虛城東步月有懷京
華舊遊

朗月團秋社涼風薄歲寒故鄉誰獨健永夜此
同看鄰篴傷今昔山杯盡肺肝長安舊朋侶搔
首五雲端

寄惟可

蹇裳采杜若江水何瀾瀾借問采何爲將以遺
君子人心無終極天涯豈伊邇迅節易載陰往
事更眈眈時危生計拙何以托疲薺桂枝有晚
芳芙蓉在秋水非無歲寒姿亦逐江草萎櫟社
神所祥永言葆玄理

寄顧九和侍講

昔在吳子國對君啓心懷朝遊太湖水暮宿姑
胥臺狂吟各寫志醉倒黃金壘張衡賦四愁王
粲興七哀同心而同調一嘯卑九垓翩翩海鶴
舉颯颯天風來煙波忽相失各在天一涯君爲

九霄翰我似窮途埃音書阻歲年次溲隴間梅
亦有芳菲草念子思悠哉遲暮不我顧零落同
蒿萊

衡山高贈周公儀方伯

吾聞天高不可升南嶽上應天機衡絕地七千
五百丈祝融之峯最巉嶒乾坤開闢自古綱維
平三山西圯六鼇死然後陽門反戶東南傾巔
空遏日乃有此巨鎮儼如天王神武虎臣矯矯
來干城離宮富炎德桂樹常冬榮若非崑崙西
起占樞紐泰山之外誰當南嶽之縱橫芙蓉石
廩勢騰擲雷泓風穴聲礪礪七十二青蓮一一
凌紫清行雲膚寸合呼吸遍四溟鴻鴈高飛不
能過嗟爾鶴上人胡爲抗行雲而上征回風瀟
瀟吹古雪倒看七澤流三星瀟湘如系淪洞庭
君山萍漂一點青纍臣帝子不可以招而返兮
但見蒼梧慘澹鼓瑟瑟湘靈吾聞地有五嶽猶
天五行衡山萬古合崢嶸日南天關儻或折尾
閭汎溢地道何由成吁嗟乎祝融馭無極朱鳥

來有憑夫何爲乎絳天芒燦炎海波濤驚天生
豪傑須爾用五嶽四瀆備爾形彌綸藩翰豈比
塊然者不然天將誰使之清地將誰使之寧周
夫子崇高遍博要如此平生意氣吾與爾

送李道夫赴闕兼懷仲默

胡羯且構患我友之朔方朔方萬餘里金門鬱
煌煌下有避世士大隱而誕章十年風塵深寂
寞中省郎食祿侏儒下修身思何長我有薜荔
裳因子遠寄將一以存苦節一以昭不忘

歲暮懷京華諸友

憂思苦不徹歲暮登危岑關山百二重江水渺
且深水深亦有涉山阻亦有臨念我諸同袍一
息斷風音君爲天上鳧我爲水中魚飛潛自情
性安能識盈虛遙望北斗星不見北斗城參辰
俱在天牛女亦分明同域而相避何況異天地

遊子篇

睠彼不周風喟然思九夷九夷限波嶺遊子逝
何之馳車越幽薊天路逾險巖齊州豈不戀嚴

真言 卷之三
威剝人肌襜褕可禦冬所歡不予貽在賤貴所
忽在遠邇所遺子去華衣馬敦我忼慨詞

贈道夫四首

華輶戒昧旦之子北赴闕叢林無繁條天氣正
十月中達判綢繆豈不念鶻鷹贈子金琅玕
吶心結憎京觀多緇塵終風永夕發修坂無逸
軌知者備失歷故家亦有權浮榮亦有歇志士
無閒居國憂固艱疏將子東門行微言不堪說

其二

大道未底夷回颺無時起君子思致身小人亦
踉蹌結綏晨出門長道從茲始馬周一布衣埋
迹殊無侶常何出片言玄纁轉踔躡一旦白板
扉光彩連州里拙哉孟浩然非無聖天子平生
得意句濩落入泥滓咄咄歸南山悠悠謝朝市
顯晦無賢愚自古靡不爾蘭若言永懷忽逐春
華萎

其三

頽風吹岳水飲子白玉杯意長酒力微日暮倚

徘徊十年綈袍戀歲杪起離哀咎愆孰與陳遊
衍孰與偕故國不可居魯生行鑿坏金臺何辜
律首山亦崔嵬茂子竹栢心餘陰及枯芟

其四

富貴苦相迫師徒多遁巡況當強盛時誰能分
沈淪之子仗劍出舉足生煙雲河淮漫浩浩中
有要路津豈忘風波恐壯士念委身陳霜沍修
途落月經枳振良友志異域此意難重陳欲扳
時無何欲往道無因願爲雙意而飛飛出城闔

秦陵

千林松檜鬱相迴永夜風生瀚海哀萬國昔曾
瞻氣象五雲空復護崔嵬古來鳳鳥長難至天
上龍髯定不回苦憶焚香賜第日報恩真愧濟
時才

鄭詩卷之三終

鄭詩目錄

卷之四

放艇

金粟臺秋望

擬古

歲暮集林中丞宅

五日遊道山同宗呂木虛

南征二首

小至

白湖送陳比部

夢出

歲暮哭近夫二首

海門

涵江寄伯固

宿石竹巖

將至鯉湖道上

鯉湖二首

溪上卽事

麥斜行

苦辛行

登厚坡鄭氏樓

春日經白沙王氏庄

汎木蘭

囊山留別伯固

寄王時行僉憲二首

寄充之華亭

寄鄭方伯

聞汀漳罷兵二首

同林九高二傅二施二避暑越王城樓

西園讌集座上得移字

見二毛

將別

白袍

夜熱次林九二首

草堂大風雨徹夜懷田家

出自郭北門行

孚齋

岳縣故城夜泊

九日飲延平蕭氏莊

九日同劔川諸子登馬坑諸山望九峰道

南祠記事

遊建州陶園和淵明擬古八首

丹青閣

遊丹青閣讀舊題懷許啓衷黃門

登建州浮屠訪僧道林

再遊陶園

暮秋

鴻鴈

北征

章灘

再題望夫石

鉛山書事十二韻

望靈山

憶四弟二首

崙溪對芙蓉懷林九王七

寄宗呂

寄林惟大

憶道夫

寄木虛

雨後陪周用賓杖策尋天目祖花

洞霄

山中對孫太初食黃精

十一月朔日登西天目看高峰中峰二神

僧祖塔因眺千丈巖尋雷起處折古松

枝扣巨石長嘯天風蓬蓬從谷底起偃

什草木投宿張公洞枕上漫爾成詩

答林貞孚

越中

會稽寄董太史文玉

東遊

歲暮尋天台山水

天姥行

赤城懷太白山人

台州觀海二首

鴈宕讀壁間詩侯希召云此陳準卿之作也昔與準卿為月夜遊仰觀天柱諸峰岌岌如墮發狂大叫自以為奇觀今茲已矣相顧欷歔賦此酌之

昔余夢遊鴈宕最高臺東觀海波浩蕩回望萬峰蔚蔚雲際及登盤山歷歷如在夢中竦然題句

觀鴈宕龍湫

朱太守遣杯茗過鴈山奉酬一首

北鴈步雲詞

業書樓

北山詩二首

芝谷歌

潘令席上作軍中樂

贈顧華玉太守

郡齋燕集答華玉二首

燕集玉輝堂
春日發赤城

同夏赤城遊國清寺

大風雪投宿赤城盧氏樓

太白山人

鄭詩卷之四目錄終

鄭詩卷之四

閩中鄭善夫繼之著

郡人鄧原岳女高

謝肇淛在杭同校

放艇

白龍江上放孤艇
青草洲前乘早潮
觀水欲窮滄海賦
看山虛憶白雲謠
舟航惡少妨漁父
風雪殘年淨獨苗
散地生涯轉踈闊
南州人事已蕭條

金粟臺秋望

鼇峯鳥石宛相對越王城中亦壯哉正堪乘此
黃花節況得銷憂金粟臺斜日遠天寒鴈到緒
風高樹暮蟬哀芙蓉冷落秋江淨故國驚心白
髮催

擬古

勛名不可圖嘆彼時運乖佳人處幽谷心思日
如摧未盱柴門閉盛年不克諧豈無合懽意蹇
脩孰與媒霜閨雲被寒玉顏暗中頽翹首孤飛

鴈雛雛令心哀

歲暮集林中丞宅

中丞華堂集衆賓金杯玉盤興未了尊前羯鼓
催落梅醉後佳人媚芳草洛波二龍臥已深睢
陽五老歸應早座上狂生感歲華銅龍咽月霜
天曉

五日遊道山同宗呂木虛

仲夏五日簫鼓競薛老峯前舟可憐水下九龍
江意遠山迴五虎地維偏故情幸不遺高適豪

論能無屈傳玄萬事糾紛人代裏聊爲酪酊答
風煙

南征二首

去年出師大冒山五千步騎凱歌還可憐今日
山前月又照漳南諸將壇

其二

贛水西邊是賊壕年年楚越泣弓刀天戈指處
櫓槍落來歲徐看破爾曹

小至

小至風煙催氣候南州雲物變乾坤城頭梅柳
青春早海上魚龍白浪昏萬事艱難悲故國三
年戎馬閉柴門小山梁苑多才子漢水襄陽猶
隱淪

白湖送陳比部

雲山悵望八千里兄弟相看十二年清路音塵
長阻絕白湖風雨重縈牽江梅古調當離思渚
鴈春心亂遠天金馬碧雞思共汝周南蹤跡尚
茫然

夢出

少谷先生白玉簪秋風欲別小華陰
傷人鴻鵠機初動驚眼芙蓉花正深
未有行藏關世道是何夢卜合人心
東山遠志誰驅使小邴官階自滯淫

歲暮哭近夫二首

南國青瑣闥東山白板扉三年不相見
兩地思依依遂有幽明隔誰云天壽微
江東送望眼空復暮雲飛

其二

寧知是永別七月有書來卽死還憂國
皇天亦妬才世衰元氣散君逝玉山頽
滄海垂綸客冥心若死灰

海門

落日綿亭嶺茫茫何所之山川淪沆漭
天地撤藩籬脫屣未相失放瓢聊自怡
扶桑弱水外東望拂虹蜺

涵江寄伯固

囊山十里涵江市不見涵江見溪水溪邊柴門
占青竹市上高樓夾蒼梓市南故人黃省郎後
峯自壘對茅堂一旦相思輒命駕豈無消息到
君傷

宿石竹巖

寢疴坐情累削迹離故家屆茲仲如月氣候清
且嘉迢迢紫雲洞渺渺天一涯尋壑滯瀑流攀
岑悟靈芽千峯遞生態百草互吐葩周覽蕩節
物況乃凌紫霞神仙彷彿遇導我營丹砂丹砂
未易營緇髮早已華神理寓隱蹟時變增感嗟
至人有逸念存形非所多

將至鯉湖道上

瑤宇青峯頂芒鞋白鳥邊風泉轟九鯉雲木薄
諸天尚子終當去龐公最可憐玄房今夕裏磬
咳接羣仙

鯉湖三首

到此意了了春湖接未妨薄雲長戀洞名草不
辭香月色寒侵閣灘聲夜近牀濯纓吾志定東

下接滄浪

其二

鐵嶂垂天塹石門修水關古松蟠極地小鳥立
驚湍玉笛何由聽真乘未卽安芝田會心處漫
憶紫金丹

其三

何處遁天弢煙霄首獨搔山川進奇崛天地入
蕭騷病骨憐芳草煩心愧白袍東隅紫氣盛偏
薄上仙曹

溪上卽事

二月松花春欲深九溪石室晝長陰獨行罔兩
還相避並汎鳧鷖好自尋人事儻逢圯下履道
情先寄廣陵琴丹臺玉冊真冥漠息影忘機漫
陸沉

麥斜行

今我不樂遊麥斜石田瑤草搖春華洞門玲瓏
駭初見細路窈窕行未涯是日春光正駘蕩黃
鸝布穀聲相向遠樹葱菁色已齊古木詰屈神

猶壯巖下山翁供酒鋪賞心豈復憂行厨雲端
儻遇林樵谷爲爾分張石室書

苦辛行

貪清不自愛歷歷疏遠目緬懷雲居勝駕言陟
曾曲樛料遁斧斤岐逕積樸檉雲棧紛當心不
敢輕落足捫枯驟戰競披棘逾匍匐庭羸無奈
何況復迷浚谷雖無夔莘恐詎測蜒蚘伏少焉
青霞深轉訝白日速山海信偉觀何以慰不
我生孰驅迫自致窮途哭伯陽不出門世路了

如燭願昭籤子誠或免華山辱

登厚坡鄭氏樓

溪上青楓高十尋隱君樓閣晝陰陰未妨磬折
隨人事却爲飛花動客心南靖稜氛征馬困北
山風雨斷猿吟鼇峯金粟茅堂在留滯王孫芳
草深

春日經白沙王氏庄

王子躬耕處柴門碧樹團雲松飛鶴鶴風澗引
波瀾父老壺觴得兒童禮數寬西坡水麥熟麋

鹿下安安

汎木蘭

木蘭山下陂水清南洋北洋風日晴慣乘舴艋
中流穩頗愛棠梨兩岸明石塹沙堤迴海勢鷓
鴒瀉鵝亂春聲漫向雲庄望莆口更從壺頂看
滄瀛

囊山留別伯固

莆城東畔囊山遠黃子茅堂碧樹深千里獨尋
雞黍約九峯同寄水雲心僧前麋鹿看人慣春
後枕榔委地陰石壁題詩芳蘚合虎溪分手暮
猿吟

寄王時行僉憲二首

隱約王僉憲爲官近越州久無烽火警能把甲
兵休清遠神仙所君王賜宴遊時平占福地不
用覓丹丘

其二

囊山分手去正值暮春時蒲柳看衰颯風塵且
別離嶺南人事少海上鴈書遲炎瘴還消息無

勞罷酒卮

寄充之華亭

鼇峯衰病至歲月莽蹉跎不識松江曲鱸蓴意
若何朋情音問濶師道課程多預報經過日秋
風偃敗荷

寄鄭方伯

昔日莆陽役春山共採芝鄭虔猶逐客賈傅自
明時潦倒鶯花切提携酒饌隨難忘何氏宅汎
愛木蘭陂

聞汀漳罷兵二首

整整汀漳戍羣兇復聽招頻聞洗兵馬不見返
漁樵猥狵終難狎貔貅漫獨驕皇情近憂豁
氛稜若爲銷

其二

羽書傳上國牙帳擁諸侯別峒分戎馬前鋒失
火牛果誰知要害漫爾歷春秋只道書生策能
分主上憂

同林九高二傳二施二避暑越王城樓

長夏升炎赤高城道鬱蒸河隍虛雉堞雲日造
松陵不去嵇康達同遊賈島能愧無隣舍酒率
爾集良朋

西園讌集座上得移字

烏山秀色平臨水中使園池事事奇斜日亭臺
朱夏薄晚風簫鼓畫船移魚驚舞袖翻深浪鳥
訝歌筵出下枝金谷銅駝那比數幾回吟嘯憶
明時

見二毛

去國星霜變違時老憊成荒迷一身在汨沒二
毛生世短思飛鳥途窮乞步兵昏塵干氣象溝
壑未忘情

將別

多事晉安郡浮生未息機草堂存下着花逕罷
初衣江海形容在 君王夢寐稀隆中棄汝去
勛業願無違

白袍

白袍存皎潔傷爾竹林人安得綠玉杖長隨烏

角巾莊生書是憤阮瑀行能純易俗吾奚敢將
無養道真

夜熱次林九二首

中宵猶酷熱初伏未秋風汲井分寒水休燈散
羽蟲宦情深自損肺氣更相攻象魏天蕭爽衣
冠日會同

其二

雷霆慳小雨巖谷斷微風北雪陰山裏南州大
火中迎秋草木異愛月女兒同內熱兼多病廢
歌愧未工

草堂大風雨徹夜懷田家

早魃自首夏今茲山吐雲翛然草堂前彷彿氣
候新迅雷殷霹靂積陽乃沉淪振風颺而至凍
雨猶傾盆中夜想抱被寒燠忽爾分回思前幾
宵始得一爽神平明窺少谷生意復津津乃有
棗與榴落地紛成困緬惟收斂畢農務仍苦辛
造物詎可測且幸蘇勞筋陰陽未順序吾憂尚
無垠

出自郭北門行

出自郭北門松栢何續續白日不到地野草悲
陽春仰觀苦霧繁俯盼白骨新白骨火不化髑
髏夜相賓颼風嘯有恨大暮難再晨昔爲囂市
子今作廣野塵昔競刀錐微今託鴟鳶親玄運
迺如此彼蒼豈遺仁蒙莊達生死緬邈煩惱津

孚齋

成心繡鞞悅僨驕不可拘脊脊廣運中吾道其
何如且采亂藪澤太素成遠除畸人乘莽眇焦
火蹈若無汎然涉九淵木舟一何虛得一合衆
萬瞻闕生明疏至情通喘奕而況乎豚魚齋居
霽煩想茲理守弗渝說巽苟不虧化邦擴所餘
睠言永登假去與天爲徒

巴縣故城夜泊

井邑蕭疎角正悲河隍猶帶舊城隄大江夜氣
繁星動南國秋風落木遲長路且須防失足他
家未肯但鋪糜欖槍滿眼公車少回首東山有
所思

九日飲延平蕭氏莊

省郎園林秋色深今日何日此登臨迴溪魚鴈
各自適細路藤竹紛交侵可憐風草四方動不
廢瓶罌終日斟滿插茱萸應佳節時危歲華容
易陰

九日同劔川諸子登馬坑諸山望九峯道

南祠記事

南平縣北重陽至強起登高風雨朝烏帽黃花
修舊事風流人物憶前朝東南形勝山川固闕
粵衣冠氣象饒千樹早霜寒自積一潭秋水澹
相搖漢王俎豆還宮廟劉守勛名已寂寥羣盜
檄書隨處滿萬方兵甲幾時銷年荒白晝三軍
譟日遠黃堂五馬驕病後故人俱杳莫幸然勝
事不蕭條人兼鄴下何須避誼重淮南定見招
青眼豈辭鸚鵡盞白袍更上木蘭橈四賢道近
源流斷雙劔龍潛歲月遙桂樹叢生江草長不
妨志士遁漁樵

遊建州陶園和淵明擬古八首

南服翔燠風杪秋猶春和水乾坐濡滯木舟載
悲歌名園占原隰節物逝已多崢嶸甘菊叢綽
約芙蓉花流景贍應接覩爾懷陰何

其二

少小秉末尚擔簦遠行遊如聞赤縣外更復有
八州車轍苦未厭光景倏若流歸來守純氣遽
然見丹丘乃知不出門偃仰六合周王風久寂
寞吾行將奚求

其三

四序遞興沒萬有乘始終景陽未停軌積陰已
肅戎何意松栢條蔚然乃獨雄糜糜田間草淅
淅草上風凜秋一披拂姣好會有窮遲爾採脂
苓服食青山中

其四

羣山積莽蒼莽蒼當座隅萬木忻適所境幽鬱
以舒細霧宿陰洞叢葦亭廣廬東山抱遠志栗
里賦閒居浮榮曷足縻三徑不可蕪歲華日向
晚吾道乃晏如

其五

東南有一士名節貞自完葆光歸田園散髮懶
不冠白魚入羞饌取色慈母顏幽居藏市廛白
日以閉關客從遠方至情話憂絕端酒酣命僮
僕取琴爲之彈希聲入窈眇忽下雙紫鸞矐言
履昭曠相期逾歲寒

其六

秋登黃華山恍然見大荒前有樂天居後有歸
來堂堂居敝雲鳥回池亦森茫主人端逸念蔣
菊翳坻塲天寒菊未華逸念齊嵩邛桴汎通永
夕萬象爭低昂情景苟不虧余何動迷方緬惟
無窮門引領情內傷

其七

我行復中野怛怛自今茲躑躅勿重陳所傷命
與時非無青霞質素衣向已緇側聞雍門彈慰
此中憂疑憂疑卒未解至音已無辭古風落冥
冥大道不可思王喬非予願詹尹亦我欺江花
莽消息遊子暮何之相逢東園公遺我考槃詩

其八

楚江有杜蘅葉短不堪採越山有舜華秀色昏
旦改不如擷芙蓉遠意薄雲海美人隔秋波秋
容澹相待悠悠鶻冠子遯世豈有悔

丹青閣

建州丹青閣清切建城西雲稜浮高壁風松出
透溪水枯沙漠漠秋晏樹淒淒多壘關山裏銷
憂聊杖藜

遊丹青閣讀舊題懷許啓衷黃門

風流不見許黃門文字丹青閣尚存最憐佳句
車盤驛黃犢青山何處村

登建州浮屠訪僧道林

浮屠秋獨立千里見氛禊水閣風長盛山城日
易陰赤霞留鶴晚黃葉任僧深世事宜高臥空
慙支遁林

再遊陶園

太僕遺榮在黃華晚見招鑿池旋日月洗竹直
雲霄賓客時能至園林迹許遙高秋花雜香勝

地不蕭條

暮秋

旅情秋又暮長路更旌旗王氣平三極兵塵黯
四夷拙慙名已晚病恐志將衰許國微軀在崎
危善自持

鴻鴈

稻梁荒歲月鴻鴈散江湖避地風霜切防身機
辟俱不愁天曠絕長恐事榮枯二月陰山暖歸
心慰遠途

北征

五年歸少谷萬里赴燕臺戀闕鬢毛改感時鴻
鴈來魚龍已寂莫江漢尚喧逐遠愧青蓮士君
王愛爾才

章灘

九月章灘水危於灑灑堆黃郎習波浪白日犯
風雷鳥獸曾何有蛟龍或上來畏途荆棘暗此
地石門開

再題望夫石

登彼關山望君來歸朝朝暮暮君不來歸
中兒女大日久無完衣泉水滔滔不入山
男兒出門良獨難今時畏途相戒蛇豕相
殘橈槍苦未滅君身無時還君身亮自惜
妾身無羽翮思心從君安可得晨興望君
暮化爲石

鉛山書事十二韻

聞道坎山裏羣豪撓信州仇家縣膽在
死士散金收趙厠機關重秦庭報復稠
執言修大懟負固震諸侯落日閭閻恐
悲風井邑愁撫綏須早計變亂未干休
赤子元無罪紅巾揆所由至誠馴虎豹
極處動貔貅六邑疲供應三農訟咎尤
風塵將不靖土地爾何求卽鑒前車覆
毋貽後事憂 朝廷諱首禍賢相合深籌

望靈山

上饒縣北香爐西暮靄朝煙咫尺迷
平望靈山一百里高南峯影入沙溪

憶四弟二首

出門憂汝病清淚至今垂鴻鴈莽相失
看令空

爾思未依南郭隱真怪北山移夜雨燈明裏商
歌一拊髀

其二

駑馬心猶壯龍駒產不虛吾衰今更去汝病近
何如烽火淹魚素關山沓羽書橫門思一出此
意幾躊躇

崙溪對芙蓉懷林九王七

脉脉崙溪雨芙蓉傲遠天時危花爛熳歲晚葉
逡巡對影會相憶看他亦自憐秋谷長不滅吾
欲贈佳人

寄宗呂

高適不早達才多數亦奇名應造化忌狂與世
人疑妻子已同志簞瓢長自怡箕山好風月將
汝結茅茨

寄林惟大

不了林和靖遐心駐薜蘿星文天上有書法世
間多獨鶴聞清夜踈梅度暗波滄灣餘故宅猿
鳥近如何

憶道夫

玉山建亥月漫憶十年前舊驛同吟雪諸君盡
着鞭客途猶戰伐南楚自風煙異域懷知己沈
淪爾最賢

寄木虛

吾弟知名早鋒稜不可當交情有端復文體下
齊梁霜驥時猶蹶風鷹勢必揚高山讀書處煙
雨壓茅堂

雨後陪周用賓杖策尋天目龍花

風雨於潛道藤蘿古殿陰祖花傳近代瑤草寄
遐心應世吾能賦探元女獨深形骸百鍊晚未
免二毛侵

洞霄

白鶴久辭華表青牛已度函關五內天花未飽
麻鞋踏盡名山

山中對孫太初食黃精

山中黃精熟作意向山人製法隨蒸曝靈根集
鬼神腹心吾尚病服食爾能純有客乘雲氣三

尸不累身

十一月朔日登西天目看高峯中峯二神
僧祖塔因眺千丈巖尋雷起處折古松枝
扣巨石長嘯天風蓬蓬從谷底起偃什草
木投宿張公洞枕上湧爾成詩

汨汨哀雙鬢迢迢向兩峯一塵消未了萬劫入
無窮昧谷蛟龍雨玄冥草木風自慙增上慢吁
駭問崆峒

答林貞孚

且喜郎君騎苑馬追攀無奈暮途遙柴門反鎖
將踈濶物態相看坐沈瀟萍水幸逢長至月蘭
橈漫趁浙江潮西湖載酒誰能爾斜日空聞吹
洞簫

越中

不周風動越王城天姥峯陰冰雪生黃道稜氛
雙闕暝滄溟波浪一鷗輕西巡未返雲臺仗南
顧猶煩瘴海兵大事安危賴元老小臣茹草望
昇平

會稽寄董太史文玉

太史東歸着錦衣白魚青筍傷庭闈十年芸閣
春秋定五月錢塘燕鷁飛乘興偶過安道宅憂
時未息漢陰機小舟歲暮將行李報爾看山到
會稽

東遊

已是閉關月漫遊何處邦北風帆勢直南紀歲
華妨負勝輕河嶽哀時挹伯王衣冠明葬處俎
豆盛蠻方忽憶春秋際兼懷種蠡良圖王功已
已去國意茫茫萬事空搔首諸賢足斷腸東征
効蘋藻大觀出玄黃雨蝕曹娥廟山疑謝傅堂
湫波平憤懣舊燕落尋常忼慨吾能賦風流誰
更狂飄飄王逸少磊磊賀知章真帖蘭亭秘遺
榮剡水光鑑湖秦望近雲寺若耶荒皓齒此溪
女紫騮何郡郎隔花相問姓采菲欲遺芳未逐
支公隱能無許掾藏雪舟行獨遠禹穴探尤長
木客胡麻飯山薺薜荔裳桃花源不昧野鳥恨
難忘自此升台嶽騎驢過石梁仙風去若脫八

寶詩
卷之四
極信翱翔

歲暮尋天台山水

桃源未可極天台煙霧深行歌白雪調坐見赤霞心草次千峯會鴻蒙萬壑陰藏身一大事聊觀世人音

天姥行

天姥旁通天一門下臨絕壑桃花源玉珮靈車杳然去鳳笙吹斷越山魂

赤城懷太白山人

天台歲月輕劉阮不見雲端雙玉簫知爾西湖臥風雪神遊先到石梁橋

台州觀海二首

獨客長途破孤城幽思多入山忘日月觀海失江河萬事只垂釣故園未偃戈平生挾弧矢流落意如何

其二

迷陽不自覺春遠此登樓落日鯤鵬運一桴天地浮白波心不變青鳥信何由八駿浮雲裏平

居端百憂

鴈宕讀壁間詩侯希召云此陳準卿之作也昔與準卿爲月夜遊仰觀天柱諸峯岌岌如墮發狂大叫自以爲奇觀今茲已矣相顧欷歔賦此酌之

鴈蕩清猿夜黯然讀爾詩斯人竟短折吾道日支離二谷看秋月孤峰落酒卮細繙嘉樹傳洒泣向臨菑

昔余夢遊鴈宕乘最高臺東觀海波浩蕩回望萬峯蔚蔚雲際及登盤山歷歷如在夢中竦然題句

昔年夢上百尋臺薄海鯨波天地迴四十九盤東向立鴈山猶是夢中來

觀鴈宕龍湫

瀑布飛不徹大聲空谷哀青山下河漢白日莽風雷潭穩蛟龍定歲深鴻鴈來方巖倚天畔吾志在崔嵬

朱太守遣杯茗過鴈山奉酬一首

蕩南杯榼走重盤正我看雲初出關車馬忽傳
青鳥信風煙一佇白龍山聞知湖口舟長借每
到花時釣未還萬事忘機猶汨沒羨君安穩弄
潺湲

北鴈步雲詞

昔我夢翼飛去與王子親雙雙鸞鳳簫吹破緱
山雲翻身大火坑洗髓明河津焮然馭白鹿下
宴瑤池春枉駕鴈宕陰玄冥閉天閤醉掃千丈
石萬劫留至文只今靈峰洞元氣猶飆飆悲歌
草木偃坐嘯天地聞歸來鏜光彩大隱金馬門
君看東方生至人伏垢氛詎羅不了道一壑空
云云

業書樓

台南有高樓下瞰澄江水飛甍冒流雲疏櫺一
何嫩重幃無長物三車擁圖史中有偉丈夫云
是百世士連緇十二經咀爾蕩其滓緇罷三嘆
息回首鴻蒙裏迺知無物初萬軸皆糠粃青藜
宵到門欲語餘一指目擊道自存我愛溫伯子

北山詩二首

朝發委羽陽暮赴紫霄期南遊歲向晚戀此溪
山奇終風豁初霽陰谷雪已晞振策陟曾曲繭
然見茅茨䟽鑿信未倫情景殊匪虧新松會多
翠遠江亦不迷素月明當中坐久生靈臺少焉
寒威重尚覺陽氣微良朋矢爲好茲生幸未衰
本性苟可遂毀車去何疑

其二

東行寓遊蹤逸軌迷西還矧茲玄冥八翳翳風
景昏非無兒女懷所適山海觀陽崖自遠陂陰
壑注奔湍步雲青峯頂搜括窮其源前有空明
洞鳶爲徑迴巖巒駕言采玉華將以遺所懽儵然
雲霞集置身虛無間大道出死生靜者見腑肝
願招柱下史去入無窮門

芝谷歌

商於黃公人不識獨臥空山候秋石紫芝風香
吹滿谷渚蘭汀芷無顏色兒童對客歌白雲此
曲人間那得聞

潘令席上作軍中樂

張筵潘岳縣笳鼓競黃昏楊柳生南國風雲動
塞垣揮戈情可念擊楫氣猶存漢王白登道甘
心出玉門

贈顧華玉太守

客有飄飄者謁來湖海遊雲端尋鴈蕩雪裏過
台州白業藏賢達浮槎近女牛豐干漫饒舌太
守是間丘

郡齋燕集答華玉二首

赤城天欲雪歲暮客邊心君子風騷遠良宵尊
俎深旅懷新浩蕩時事向蕭森作意依劉表移
家近漢陰

其二

梁園初授簡越客罷鳴琴節序梅花及江湖鴻
鴈深雪歌難却和醴酒若爲斟何限山陰興幽
居獨許尋

燕集玉輝堂

窈窈巖壑姿迢迢契幽蹟緬懷天台勝遂寄山

水癖赤城淹歲晏所戀有三益壯陰屈微陽
山雪盈尺雖嗟軌路阻稍喜緇塵息巾峯入草
堂天葩進瘳瘵美人羅公車求友意何極文筵
麗奇態流觥樂無斃鹿鳴紛諧和造適非絲革
退念兼與葭茲幸附圭璧觀空悟氣機體有見
真色吾道未榛蕪蹶然露曾臆

春日發赤城

碧海春信至赤城愁思深雪晴千澗疾日落萬
方陰畢歲皆行役凡軀故滯淫西歸負良友忽

爾長蓬心

同夏赤城遊國清寺

侵曉布袍沿澗入黃蒿古殿雨濛濛頓能自在
蒼玉杖便擬分眠紫極宮二子空筌靈草色五
峰芳樹散雲容春來病骨一杯足未植蓮花煙
火中

大風雪投宿赤城盧氏樓

朔雪胡風吹歲昏赤城今去宿誰村孤城自照
煙霞色獨夜難招土木竟短世客星真落落高

樓賓榻亦言言天涯兒女催歸
八月子椒花非故園

太白山人

太白山人去不返青天高映白雲袍
慣從赤縣觀滄海未向黃塵拂寶刀
狂癖禰衡終自信醉鄉王績欲何逃
茗川蔀屋風皮外長日漁樵生計勞

鄭詩卷之四終

